



Aqqalu C.Jerimiassen  
Atassut

UPA 2024/11 - 1  
28. Maj 2024

**2023-mut Nunatta Karsiata naatsorsuutaasa akuerineqarnissaannik siunnersuut  
(Aningaasaqarnermut Naligiissitaanermullu Naalakkersuisoq)**

Aningaasat atorneqareersimasut allanngortissinnaanngittunnguinaasiit kingumut eqqartulerpagut.

Nassuiaataannilu kingullermi takuneqarsinnaavoq naatsorsuutigisamik aningaasat isertut annertunerusimasut.

Naatsorsuutigisamik aningaasat taama annertunerutigisut isertarnerat immaqa nalinginnaavallaanngikkaluarpoq, aammalu annertuginarpallaalaarsinnaangaluarpoq.

Taamaakkaluartoq kukkuneruisup suliaqarsimanagera erseqqissunik Atassummiit qujassutigaarput, aammalu aningaasaqarnitta maannakkumut killiffia suli siuariartuinnassasoq neriutingalutiguttaaq. Naak maanna immaqa aalisarnermut inatsisitaareernitsinniit ukiut tulliini namminersortunut arsaartuinerit ingerlasussanngornerini, suliffeqarfinnut akileraarutip appariaratarsinnaanera 2025-iminngaanniit ingasammik aalleqqutaasinnaangaluaq, neriuinnaassuugut taamarsuussanngitsoq.

Tassami immaqa takusalissajunnarsivarput ukiuni aggersuni naatsorsuutiginnisamik aningaasartuutaariasaartut qaffaseqisut, ingasammik maanna aningaasarsiornekkut ingerlatsinikkullu ingasalluinnartumik saamerliusumik pissusinikkiartorerup aallasalerfiani.

Ukiut siuliini oqaaseqaateqartilluta nunatsinni aningaasarsiornerup pitsaaneruumik siunnerfeqalernissaanut oqaaseqaaterpassuaqartarsimavugut, taamaattorli maanna pissutissaqarsorivallaanngilarput uteqqissallugilluunniit.

Tassami oqaaseq tusarsimasarput niaqqutsinnut Atassummi ikkussimavarput, naalakkersuisummi naatsorsuutigequnikuummassuk siunnersuutit akitsuutinut assigisaanullu piaanissamik siunertaqartut toqqaannartumik itigartitsissutigineqartalissasut, aqqissuusseqqinnermillu taasami taamaallaat ingerlanneqassasut.

Taamaammat pissutissaqarpallaarunangilanga maanna eqqartuissallunga, asulimi silaannarmut oqalunnertut immaqa isumaqaannassammat.

Naalakkersuisulli kaammattuinnassuakka, nunatta aningaasaqarneranut silatusaartumik suleriuseqaqqullugit, taamatuttaarlu aningaasaqarnermut ataatsimiitsitaliaq aammalu kukkuneruisuinerit ataatsimiitsitaliaq.

Taamatut naatsukullammik oqaaseqaateqarluta Atassummiit, 2023-imut nunatta karsiata naatsorsuutai pillugit Kukkuneruisuinerit ataatsimiitsitaliaq sulilluarnissaanik kissaapparput.